

四庫禁燬書叢刊編纂委員會

北京出版社

四庫禁燬書叢刊

補編

四庫禁燬書叢刊編纂委員會

北京出版社

四庫禁燬書叢刊

補編

圖書在版編目(CIP)數據

四庫禁毀書叢刊補編 / 《四庫禁毀書叢刊》編纂委員會編. —北京:北京出版社,2005

ISBN 7-200-06020-8

I. 四… II. 四… III. 叢書—中國—古代
IV. Z121.7

中國版本圖書館 CIP 數據核字(2005)第 029768 號

責任編輯:楊良志

四庫禁毀書叢刊補編

《四庫禁毀書叢刊》編纂委員會 編

北京出版社出版

北京北三環中路六號

郵政編碼: 100011

北京出版社出版集團總發行

新華書店經銷

北京市白帆印務有限公司印製

開本: 七八七×一〇九二毫米 1/16

印張: 四〇〇八·七五印張

二〇〇五年八月第一版第一次印刷

印數: 一—三〇〇套

書號: ISBN 7-200-06020-8 / K·655

定價: 人民幣伍萬肆仟圓

ISBN 7-200-06020-8



9 797200 060200

補編第三〇冊目次

憲章類編四十二卷(二)

〔明〕勞堪撰
明萬曆刻本

明史紀略不分卷

不著撰者
清鈔本

國史考異六卷

〔明〕潘樞章撰
清乾隆鈔文淵閣四庫全書撤出本

一

五二五

五六七

憲章類編四十二卷(二)

〔明〕勞堪撰

明萬曆刻本

中國科學院圖書館藏

徵賢

洪武庚子六月遣使徵宋濂劉基章溢葉琛至金陵帝問陶安曰四人者何如安曰皆臣所不及也帝嘉其善

讓

洪武元年九月詔起懷才抱德隱於巖穴之士遣文

原吉詹同魏觀吳輔趙壽等分行天下訪求賢才十

一月癸亥以手詔召劉基

洪武二年十月以方克勤為寧海訓導克勤樂於育才

負笈來從者甚眾據經陳義聞者悅服

洪武四年閏三月召永豐劉子至初子嘗以賢良徵因

病謝歸及是復召至便殿諭曰君子為學當見於世用

朕將官之于曰臣在前朝嘗應進士舉試南宮不利今

幸逢有道之朝九有血氣者咸思效用但臣年齒已衰

恐負天恩敢辭特賜還山

洪武四年十一月召宋濂為禮部主事

洪武六年五月命禮部訪求賢才於天下上曰古之聖

王恒汲汲於求賢若高宗之於傳說文王之於呂尚二

君者豈其智之不足而違違於版築鼓刀之徒實以天

下之大非人君之所能獨理而賢才不備不足以為治

也今山林之士豈無德行文藝之有足稱者宜令有司

以禮起送至京朕將任用之以圖至治

洪武七年八月上御武樓宋濂侍問曰天下雖定朕

猶垂意宿學之士卿知其人乎濂對曰會稽有郭傳者

雖寄跡釋氏誠一代奇才也上頷之未幾復召濂曰

郭傳之文卿可持至乎濂以其文進上覽之曰誠如

言即召見俾日侍左右以備顧問傳精白一心允可以

獻替者咸無隱情擢為翰林應奉陞起居注遷考功丞

洪武九年五月上御奉天門謂宋濂等曰自古有國

家者必資賢才以共理秦之時張良陳平韓信皆隱屠

釣漢興乃用以成帝業今山林巖穴豈無超拔之才何

以能羅而致之濂對曰取士莫善於選舉用人莫善於

器使命官莫善於久任陛下行此則人才皆效用矣

洪武十年九月勅諭浙江温州府訪求師儒

洪武十二年十二月詔徵天下博學老成之士先是

上謂禮部曰為國得寶不如薦賢朕自臨御以來十有二年思得賢士以熙庶績然博學老成之士德藏光甘於窮餓不肯輕出宜下有司悉心推訪禮送于朝朕將顯用之至是皆至京師時江西布政使沈立本遣人招故元吏部侍郎伯顏子中子中飲鴆死于西域人祖父仕江西因家焉通春秋五領鄉薦授東湖書院山長陞建昌路儒學教授尋為江西行省都事陳友諒兵陷贛州子中招募壯士欲復城不克間道入福建行省子中出奇計收復建昌遂降海獻捷元都授福建行省

即中累遷至吏部侍郎出使廣東比至未幾而廣已歸附子中墜馬求死不得折其一足於是子中變姓名浪跡於江湖間往來居進賢之北山先是其妻子已為江西叅政楊憲送京師朋友有弔之者子中答曰吾身且不有奚暇顧妻子哉於是周游天下誓不復仕悲歌慷慨未嘗一日忘于元也嘗懷鴆自隨曰如有強我者便當以死答之群縣聞而義之不之強至是立本專使招之子中見使者慨然曰吾今死亦晚矣乃具牲酒祭其祖父師友作歌七章飲鴆而死 詔徵寧國府訓導陳

迪為翰林編脩

洪武十三年二月詔舉聰明正直孝弟力田賢良方正文學術數之士

洪武十五年九月吏部以經明行修之士鄭韜等三千七百餘人入見 上諭之曰朕自即位以來側席賢士與圖至治然自古知人堯舜所難豈所知者皆賢人君子知者無賢哉故勅天下徵聘遺逸鄉等固皆賢人君子山林之下又豈無如鄉者其悉舉以為朕用於是濟寧單縣儒士張寧以董倫等薦復遣使徵之仍賜韜等

人一錠 十一月徵耆儒鮑恂等四人至京師先是禮部主事劉庸舉鮑恂余詮張長年皆明經老儒達於治體可備顧問遣使召至 上見之甚喜賜坐顧問命為文華殿大學士恂等以老疾固辭上諭之曰以卿等年高故授此職輔導東宮免卿早朝日宴而入從容侍對不久當聽卿等致仕庶不負卿等平生所學卿何辭為恂等復問辭尋賜還鄉里

洪武十八年十二月丙午詔舉孝廉之士 洪武十九年七月詔舉經明行脩練達時務之士年七

十以上者都縣禮送京師 上諭禮部郎中鄭居貞曰
古之老者雖不任以政至於咨詢謀謨則老者閱歷多
而見聞廣達於事情周於物理有可資者居貞對曰人
至六十精力衰耗則不能勝事請六十以上者不遣
上曰正為比來有司不體朕意士有耆年便置不問豈
知老成古人所重文王用呂尚而興穆公不聽蹇叔而
敗伏生雖老猶足傳經豈可驟以耄而棄之也若年六
十以上七十以下者當置翰林以備顧問四十以上六
十以下者則於六部及布政使司按察司用之

洪武二十二年十二月徵士梁寅臨江新喻人世業農
家貧力學通六經之旨累舉于鄉不第遂棄舉業一時
名士多與之交元為集慶路儒學訓導以親老辭歸時
天下兵起遂隱居教授至是徵天下名儒脩述禮樂寅
就徵已六十餘矣時以禮樂制度分為三局寅在禮局
中討論精審諸儒推服書成將授以官寅以老病辭歸
結屋石門山四方士多從之學稱為梁五經卒年八十
二所註有周易叅議詩書演義周禮考註春秋考義及
漢唐以來君臣事畧宋元史節要及石門集

洪武三十一年八月建文帝徵江西處士楊士奇充實
錄編纂官尋授齊府審理副仍留編纂 十二月令內
外群臣各舉山林巖穴懷材抱德之士

永樂五年六月勅張輔沐晟劉儁訪求交趾人才禮送
赴京擢用 十月以交趾所舉明經士人其潤祖等十
一人為諒江等府同知賜勅慰勉

天順元年冬十月 遣行人曹隆齋勅幣聘江西處士
吳與弼時石亨用事邀名飾過其門客謝昭做張骨教
蔡京招楊時故事勸以為士亨從之因見李賢說山林

隱士有撫州吳與弼者乃司業吳溥之子以學行名天
下亨慨然代為草奏上之 上召賢問曰吳與弼如何

賢承亨意對曰與弼儒者之高蹈自古聖帝明王莫不
好賢下士徵聘隱逸若陛下行此一事實本朝盛舉上
遂命行人聘之 五月徵處士吳與弼至京師上謂李

賢曰與弼當授以何職賢對曰今東宮講學宜授官僚
次日召吏部命為左諭德朝士皆驚以為布衣召至一
旦授此與弼疏辭上召入文華殿問曰特聘爾來何不

就職與弼對以老疾 上曰官僚亦優閒不必辭於是

賜以文綺羊酒薪米命太監牛玉送至館務令就職
弼具疏固辭上復召入文華殿賜勅褒嘉齎以銀幣允

其所辭與弼疏陳十事上命有司月給俸米以贍終身
仍命行人送歸與弼復上表謝恩而去 漳州布衣陳

真晟詣闕上程朱正學纂要不報真晟初治舉子業赴
省試聞有司防察過嚴無待士禮乃辭歸自是不復科

舉務為主敬誠意之學至是詣闕上書不報乃聞吳興
弼名欲往見之行至江西見編脩張元禎元禎謂曰滿

洛之學自有真傳如與弼者不可見亦不必見也遂歸
尋卒

成化十九年九月授吏部聽選舉人陳獻章為翰林

討獻章廣東新會人巡撫廣東都御史朱永等薦其學
行可以追匹古人乞以禮徵聘吏部謂獻章乃聽選舉

人非隱士比遂移文取至京欲考試授職獻章奏言臣
以舊疾未平未能就試母年七十有九乞放歸侍養

上特授以翰林檢討聽歸一時推尊之目為道學
成化二十年三月處士胡居仁卒居仁字叔心江西餘

干人自幼穎異有大志巖毅清苦為養體 驗慨然以

斯道自任所著居業錄政齋集
弘治十三年二月陳獻章卒

薦舉

洪武十五年正月命天下朝觀官各舉所知一人

左春坊正字魏德壽舉文學汪叔瑜等詔有司各以楮
幣聘之 十二月吳沉揭樞薦方孝孺學行 上召入

見喜其舉動端雅曰此莊士當老其才而用之遣還鄉
尋以仇家得罪詞連孝孺籍其家械送闕下上識其名

特令開釋

洪武十七年九月御史秦元之薦金陵處士陳遇 上

召語大悅遂日侍帷幄多所獻納車駕幸其第者再命
之官輒辭既而命為翰林學士者再又固辭尋命為禮

部侍郎進禮部尚書皆固辭淨澹恬退始終一致宸翰
時加存問眷待之厚隆於動戚尋卒

洪武三十一年閏五月建文詔內外五品以上文官及
縣令薦賢才定保舉連坐法

革除建文二年十二月詔舉優通文學之士以處士唐

愚士為翰林侍讀

永樂九年閏十二月吏部尚書蹇義同六部等官上言
在外布按二司府州縣官職在承流宣化以撫字為職
必湏得人得之道在銓選精嚴薦舉有法宜令在內
文職七品以上在外五品以上及縣正官各舉所知賢
能廉幹堪任牧民及居風憲者一人吏部考驗如果賢
能量材擢用其所保非才或授職之後闒茸貪污舉主
連坐上是其言命所司速行之

洪熙元年十月宣宗都御史劉觀王彰李素奏舉才能
之士前應天府尹于潛等十餘人 上曰卿大臣所舉
必當昔孫抃言吾輔政無功惟薦一二臺臣無愧卿等
必能知此復諭之曰古者除官則署舉主姓名貪穢則
連坐今亦當循此法

宣德元年十二月楊士奇薦行人王翽為山東道御史
宣德七年八月 上御奉天門視朝罷召楊士奇楊榮
至榻前諭曰今春命京官三品以上者舉方面郡守後
又出舊作招隱荷蘭之詩以示意豈論半歲都不舉一
人近因卿二人舉黎恬等朕思今天下之廣豈無人材

但辟臣不以國家生民為心又兼以忌嫉注念故往往
視朕言為虛文吏部怠忽至此其濫勅責之

正統元年正月大學士楊士奇以侍講劉永清才堪繁
劇薦為廣東右布政使

正統二年九月楊士奇等上疏言宣德七年以前藩臬
二司及府州正官惟聽吏部所舉權衡獨擅聞見不廣
未盡得人百姓受害是以宣宗皇帝勅令大臣保舉自
茲得人遂多間有一二非才蓋緣舉主審察不至亦或
徇私不公所致昔唐太宗命在京三品以上官舉郡縣

縣今後乘致天下斗米三錢之效近年有等京官無不
舉保造為謗語專欲壞壞先帝良法伏望聖斷仍遵先
皇帝勅旨行但所舉之人籍記舉主後有犯賊必明正
舉主之罪則人知謹畏不敢徇私官必得人矣詔從其
議

景泰三年十二月申勅薦舉

按霍韜曰國初用薦舉為重員舉次之科舉為輕今則
科舉為重首舉次之薦舉不行矣故有行同盜跖心乎
商賈者能染翰為文俱隸仕籍此士風所以益偷也

考課

洪武五年十二月勅中書令有司今後考課必書農桑學校之績官民有不奉天時負地利及師生惰於教學者皆論如律 山西汾州平遠縣主簿成樂考績州上其考曰能恢辨商稅吏部以聞上曰地之所產有數官之所取有制若曰恢辨是額外剝削主簿之職在佐理縣政撫安百姓豈以恢辨為能州之考非是爾吏部其移文訊之

洪武十一年三月 河間府知府楊莫安等考績入朝上命吏部曰考績之法所以旌別賢否以示勸懲今各官來朝宜課其殿最第為二等稱職而無過者為上賜坐而宴有過而稱職者為中宴而不坐有過而不稱職者為下不預宴序立于門宴者出然後退庶使有司知所激勸

洪武十七年八月吏部尚書俞熾定考績法

洪武二十年三月雲南左布政使張統秩滿來朝上以統在雲南能撫綏夷人俾復職賜厚書勞之

成化十九年十一月吏科都給事中王瑞等言三載陟朝廷所以勵庶官之典也今天下諸司除土官外無慮九千餘處諸司官除陰陽醫學僧道外無慮千萬餘員吏部於各官之賢否在布按二司則據撫按揭帖在諸司則參布按等官揭帖上之詢訪雖出於公心下之奏報多任其私意或假公以市恩或乘機以償怨毀譽失真賢否失實其他弊端不一而足乞諭吏部榜示各官凡揭帖所報失實者連坐或有當黜而留者許本處撫按論奏有當黜而妄訴者亦罪之 上曰朕以黜陟之典付吏部吏部以賢否之實寄長吏使其所報失實則黜陟不公賢否無別何以示勸懲于是宜嚴運坐之罪其當黜而留與當黜而妄訴者俱如所言

旌異

成化五年閏二月大理寺評事申安旌異之典朝廷所以激勸有司今撫按官於廉能者未必旌異旌異者未必廉能如紹興知府吉惠先為上虞知縣以旌異而陞今貪酷百狀一郡之人奚罪焉乞詔大臣議自今旌

異必待三年考滿之後若所舉不公後以姦貪敗者連坐庶艾稱其職民安其業矣下吏部覆奏從其議

簡除京官四品以上

成化四年十二月雲南道御史戴用言六事一勵實行二精考察三公薦舉四均爵賞五弭盜賊六革宿弊上曰勵實行朕自處置今後兩京四品以上官吏部具缺朕自簡除方面官照正統間例保舉餘付所司計議以聞

按陞用大臣吏部會推例自成化間始也天順間朝罷宣吏部降旨除某人為某官前是亦出宸擬成化來法漸以備用大臣之道不可有專屬後以票旨異同或有關白以輿論異同或先為成議

京官遷調

洪武二十三年五月遷戶部尚書楊靖為刑部尚書詔今後在京官三年皆遷調著為令

景泰七年正月調工部尚書石璞為兵部尚書以江淵

為工部時子謙以病在告朝廷欲得二人協掌兵部在內閣與同官不相能欲求出補兵部王文與商輅密擬內批調璞於兵部而以淵代璞淵不之知明日旨出淵大恚失望

按科道部屬陞小京堂此弘治初例任賢不次直須慎之天順前方面勢重又不為部使所困其遷轉與小京堂等成化間始重京職遂有借為駕馭之法成化未知釐此弊一於即中內選用弘治改元乃始有兼補之例近來則全以要職充之夫欲重其任則輕其銜用人本意蓋隱其後以殺之所以恃心不萌而逸意自取今必并其所後而便以圖焉非法之宜也

汰冗員

宣德三年夏四月吏部尚書襄義等奏此者伏蒙聖諭戒飭臣等有曰官不必備貴在得人今事不加多而額外添註苟祿偷安是皆臣等之過近年以來內外各衙門官因營造催辦夫匠收運糧儲整理農務採取木植在內添設郎中主事在外布按府州縣添設叅政

議副使同知縣丞等官今擬在外除馬政農務外其餘
依舊制裁咸在京從堂上官董事繁簡斟酌去晉不許
冗濫其在內府各監庫郎中員外郎主事俱宜裁革從
之

按冗官寺部卿丞帶俸添註郎中主事增官百倍又競
求外差為家鄉便利之圖督速錢穀增郡縣奉承之苦
是何益乎藩臬則添設管糧參議海道副使兵備僉事
屯田僉事一事添設一官則原額官員何為者乎罷縣
佐貳或添註四員三員凡此冗員俱老老監生艱難
祭或納粟入監希圖厚獲者故於未選則揭債以往受
任則携奴以行舉十數口以仰食一官責望一官以富
厚一世則政何由不弊民何由不窮是將添官以任事
實因官以生事也識治體者寧不深遠思慮為國家分
憂乎

誥命

成化四年十月給致仕禮部右侍郎倪謙誥命謙子編
脩岳考滿例得推恩吏部持之不行岳上奏自陳李謙

等言謙先任學士曾犯賊罪充軍原授誥勅俱已追
後雖遇赦致仕終係犯賊之人例難推封 上曰謙因
子推恩其與之不為例

進大臣祿秩

正統二年冬十月 進贊理陝西軍務侍郎柴車祿從
二品車盡心邊務每糾劾將佐欺玩章前後凡數十
或怵心後患車曰吾敢愛身以誤國乎同事者多耽宴
樂忽大計車遂斷酒肉澹泊自處凡燕會皆不與而行
論益堅據理守正每有功賞雖勅下必覆驗而後行
有詐冒必糾正之岷州土官都指揮石能以家人冒功
陞賞車奏罷所陞官能復請 上宥之車反覆論其不
可曰詐冒如能者非一人臣方次第按覈今宥能如餘
人何若無功得官則捐軀死敵者何以待之詔嘉車忠
誠遣使賜白金四十兩文綺四表裏仍進從二品祿
成化十三年十二月命左都御史王越加俸一級

進守令祿秩

正統四年六月陞蘇州知府况鍾吉安知府陳本深
各正三品兩府循良之政卓冠一時

考察京官

宣德三年十二月勅南京刑部侍郎段民考察京官

弘治十七年八月令京官六年一考察

按宣德三年勅段民考察在京百司以民廉介端謹也
民武進人永樂二年進士庶吉士與修永樂大典除刑
部主事與修五經四書性理大全進員外郎即中十九

年陞山東左叅政當是時索妖婦唐賽兒急盡遼山東
北京尼既又盡逮天下出家婦女先後幾萬人民撫定
綏輯曲為解釋人情始安 文廟再征虜勅民舟車轉
餉節約曲筭省財力民不擾事集 文廟在道中勅民
與巡按御史考所過郡縣吏宣德二年召充會試考官
三年召入南京戶部為右侍郎尋改南京刑部九年卒
官貧不能喪都御史吳訥力為經紀始克殮成化間吏
部右侍郎華盛請褒民不果

考察外官

宣德七年八月命吏部都察院考察在外方面及郡縣
官之昏懦不才者罷黜之

景泰三年七月命侍郎李賢姚夔副都御史洪英等分
詣兩直隸及十三省考察庶官之不職者

按李賢曰洪英儒雅君子洎往浙江考察為被黜者長
訴之且加謗毀朝廷不及察而罷之今致仕二三大臣
雖知其故莫能扶持朝士皆後進不知其為人既去

惜之彼諂智者阿世同俗無所可是不非而因循以致
高位世顧謂之能人意此朝廷所以無任怨之臣而小
人多致亂邦也

成化六年九月吏部言邇者兩奉詔旨以人才難得恐
考察黜退官中尚有一二可用者命臣等集議臣等詳
審得廣西平樂府知府袁衷山東泰安知州畢宗賢河
南脩武知縣劉昭山東濟寧州判官張寧歷城主簿郝
志道俱被黜之數舍短取長尚有可用其餘一時難知
不敢泛舉至於伸訴奏告之人難以唯理宜照舊發還

從之

朝覲并考察

洪武元年正月天下官來朝

洪武六年春正月癸卯朔守令來朝 上命賜酒饌明日陛辭復諭之曰慈祥愷弟身之德也刻薄殘酷德之

賊也君子成其德故惠及於人小人養其賊故殃流於衆朕舉廉與孝崇德勸善惟欲移風易俗若偽為慈祥

必無仁愛之實偽為愷弟必無樂易之誠爾等宜勉修厥德廣施惠政以副朕懷

洪武八年春正月辛酉朔各省郡縣入朝上以濟寧知府方克勤有善政錫燕儀曹

洪武十八年春正月癸亥朔吏部言天下布按二司及府州縣朝覲官九千一百一十七人考其政績詔稱

職者陞平常者復其職不稱職者降貪汚者送法司罪之闕茸者免為民 六月 上諭吏部曰天下府州縣

官一歲一朝未免曠官滋費自今定為三年一朝齋其紀功圖冊赴部考覈布按二司官亦然者為令

革除建文二年春正月丙寅朔天下官來朝免賀

永樂五年十二月廣東布政使徐奇入覲載嶺南藤篋

將以饋廷臣邏者獲其篋自以進 上視之無楊士奇名乃獨召之問故士奇曰奇自都給事中受命赴廣時

衆皆作詩文贈之故有此饋臣時有病無所作不然亦不免今衆名雖具受否未可知且物甚微當亦無他上

意解即以篋自付中官令燬之一無所問

永樂十一年夏四月 上謂呂震曰朕嘗命布按二司及府州縣官至京者陳民間利病近有以時和歲豐民

安物阜為言者及驗視之田野荒蕪人民饑寒水旱蟲蝗皆不以聞朕已寘諸法今後所言有切民情治理者

宜旌賞之否則重懲勿貸

宣德五年正月初天下朝覲官至京 上命行在吏部廉察其賢否又令方面官各具所屬官貪營及不稱職

者上名吏部至是吏部奏貪汚者二十五人當充邊軍老疾及鄙猥無能者五十五人當北京為民上曰老疾

者鄙猥無能者皆罷歸為民貪汚者民之害宜發戍邊正統十年春正月宴天下來朝賢能官布政使丁鉉等

于禮部先是刑科給事中鮑輝言天下各官來朝乞
吏禮二部詢訪有廉能著稱治行超卓者禮部官引赴
御前面獎勸賞吏部具錄姓名待其考滿舉薦擢用

上從之至是會舉司府州縣官丁鑑等賜以勅諭宴于

禮部

天順四年春正月天下諸司官吏朝覲至京 上召李

賢謂曰朝覲之弊不可不革賢曰誠如聖慮即出榜禁

約不許與京官交通餽送土物亦不許下人挾讐告害

由是肅然不犯上曰黜陟之典亦當舉行賢曰此祖宗

舊制時吏部都察院退其不職者數百人旌其才行超

卓政績顯著者布政以下賈銓等十人賜以衣服楮幣

禮部進宴命太監牛王及李賢主翊待宴隨於其中召

布政蕭暄為禮部尚書賈銓為副都御史

成化十一年春正月辛亥朔 吏部奏罷朝覲官布政

使楊文琳按察使王琳等一千八十一員

成化十四年春正月吏部以朝覲奏老疾罷輒貪酷及

素行不謹官二千十六員詔老疾者致仕罷輒不謹者

冠帶閑住貪酷者為民唯福建右布政使鍾清浙江按

察使劉鈺江西按察使趙啟清直正直中外所聞為權
奸忌陷俱列不謹君子惜之鈺思愍公球之仲子也學
行為尤著云

成化十六年十二月 吏科給事中王瑞等言比者湖

廣江西等處巡撫等官各奏所部災傷民饑盜起請免

各官明年朝覲臣等以為朝廷命官初意惟欲其安養

生民撫綏地方今民饑盜起皆各官不職所致正當罪

以示警顧乃為之請留前後因仍恐為定制諸司正官

既留則進退人才無由而審止憑巡按等官所報揭帖

則考察之典亦應故事而已且地方多事自宜設法極

濟何至故違舊制使朝覲大典漸至廢弛明年來朝并

在任官乞嚴加考察或有不公者聽科道糾之庶足以

為徇情欺罔之戒 上曰三年述職國家舊典若徇所

司各庇其屬有貪異荒怠者烏得而覈之給事中言是

其令吏部知之

成化二十三年正月吏部尚書李裕建言朝覲考察天

下官員乞創立才力不及一例照品級調簡僻衙門用

從之遂為定制

弘治十七年五月勅吏部都察院比年考察朝覲官員
率多撫按官考語多不得實爾等詢訪亦欠周詳以致
賢否倒置明年正旦適當朝覲之期宜預行各撫按官
從公開報爾等備細叅詳精白一心秉持公道庶幾滯
被生民上回天意其欽承之



皇朝類編卷之十八終